



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tribunal Poenitentiæ Sev Libri Dvo Prior De Poenitente Ut
Reo Posterior De Confessario Ut Judice**

Stoz, Matthäus

Anno M.DC.LXXXIX.

§. 1. Quid sit sigillum & Quotuplex?

urn:nbn:de:hbz:466:1-37144

§. I.

Quid sit Sigillum, & Quotuplex?

183. Sigillum propriè est id, quo præter alia etiam litteras claudimus, ut contenta in iis non ab aliis, quām à quibus volumus, cognoscipossint. Metaphorice est obligatio servandi secretè id, quod ab alio cognovimus. In hac metaphorica acceptione dici quidem potest aliud esse merè naturale, aliud etiam Sacramentale. Fagund. *Præc. 2. lib. 6. cap. 1. n. 5.* sed hoc posterius, quia est multò strictius quām illud, ideo præcipue & absolutè *Sigillum*; illud verò tantum dici solet *Secretum*, vel cum addito *Secretum naturale*, & est obligatio servandi secretè ea, quæ aliunde, quām ex Confessione Sacramentali cognovimus. *Sigillum Sacramentale* autem seu *Confessionis* est iuxta Fagund. *I. c. n. 2.* inviolata & indispensabilis obligatio, præcepta à Christo, occultandi ea, quæ in Confessione Sacramentali dicuntur. Juxta Laym. *I. 5. tr. 6. cap. 14. n. 1.* est obligatio servandi secreta & tacita ea, quæ accepta sunt ex Confessione, tendente ad Sacramentum Pœnitentiæ, saltem secundùm propositum pœnitentis. Breviter & rectè dici potest, obligatio occultandi ea, quæ in Confessione Sacramentali sunt cognita; ita fere Toletus *I. 3. cap. 16. n. 1.*

Nonnulli volunt, præter *Sigillum Confessionis*, & *Secretum naturale* dati aliud tertium *Secretum*, quod Tamb. *de Confess. lib. 5. cap. 4. n. 3.* vocat *Medium*; Tan. *tom. 4. Diff. 6. q. 9. n. 133.* & alii arctissimum & inviolabile; ajuntque *Sigillum* esse illud, quo *Confessorius* tan-

tum; *Secretum medium*, quo alii obligantur ad occultandum peccatum pœnitentis, ex ejus Confessione, quounque tandem modo, cognitum; certas quoque pœnas esse in jure statutas tantum pro sigilli, & non pro secreti violatori bus. Verū quia obligationi per accidens & extrinsecum est, ejus violatori esse vel non esse in Jure præscriptam certam pœnam; de cetero autem obligatio Secreti medii, ut ejus autores fatentur, se habet quoad omnia eodem modo, quo ab aliis dicitur se habere obligatio *Sigilli*; ideo nec una ab altera, nec *Secretum medium* à *Sigillo* rectè distinguatur. Unde DD. aliqui (quod bene notandum) cùm subinde dicunt, aliquem Secreto tantum medio obligari, & non *Sigillo*, faciunt meram quæstionem nominis, sicut etiam observat Lug. *de penit. Diff. 23. n. 21. & 24.* vel certè Quæstionem de obligatione *Sigilli* malè confundunt cum Quæstione de pœna violentum *Sigillum*. vide etiam Laym. *lib. 5. tr. 6. cap. 14. n. 17. v. secundo.*

Ad vitandam ergo litem nominalem, & tollendam confusionem, nos *Secretum medium* & *Sigillum Confessionis* habemus pro eodem, & quæ de illis ab aliis tradis solent, reducimus ad hæc tria capita.
1. Quo jure sit introducta obligatio *Sigilli*? 2. Cui *Confessioni* sit annexa? & 3. Quām ea sit stricta?

§. II.

Quo jure introductum sit Sigillum Confessionis?

184. *Sigillum*, ejusque obligatio in-
trodu-